

百名家詞鈔

名家詞鈔目錄

廬陵 聶先 晉人

纂定

長水 魯王孫 道扶

松溪詩餘

雲間 王九齡 子武

菩薩蠻

清平樂

二調

憶秦娥

畫堂春

柳稍青

南歌子

二調

南鄉子

臨江仙

三調

一剪梅

蝶戀花

二調

蘇幕遮

滿江紅

四調

玉漏遲

滿庭芳

念奴嬌

二調

水龍吟

賀新涼

松溪詩餘

雲間 王九齡 子武

菩薩蠻 春閨

垂楊深院輕煙鎖。海棠睡醒春無那。一枕負鴛衾。綠  
窗花正深。廉纖日暮雨。何處黃鶯語。陣陣晚風涼。  
梨花歷亂香。

清平樂

殘春何處不伴愁人住。已是韶光容易去。一霎催花  
細雨。無端柳暗高樓。多情燕落簾鉤。捱過春風幾

度空憐白了人頭

前調 閨怨

把簾鈎上。免得風敲響。柳葉顰眉空悵望。也做相思模樣。愁看新月彎環。鵲橋屈指重歡。盼殺一年一夜。天涯何事人間。

憶秦娥 歸途偶感

強獨酌酒。酣暫覓華胥樂。華胥樂閒愁未斷。夢魂偏惡。良朋共訂看花約。歸心日夜憂。就閣憂。就閣布帆纔挂。石尤風作。

畫堂春 舟中感懷

擔簦客歲走天涯。抽毫夢想雲霞。懷中尺璧向誰誇。  
腸斷京華。且借片帆歸去。南山薄有桑麻。一春何  
事困塵沙。辜負梅花。

柳稍青 秋感

容顏憔悴瘦狂夫。只道是長依舊。一盞寒燈半牀溫被。  
要人消受。莫教輕鎖雙蛾。別緒儘將眉黛守。舊恨  
春添新愁。秋結算誰顰皺。

南歌子 春閨

日暮東風急。無聊獨掩扉。不堪寂寞守孤幃。又被黃  
鶯啼送落花飛。好景憐虛設。憑欄淚滿衣。垂楊何  
事綠依依。縱有長條無計繫春歸。

前調 懷春

淺黛誰堪畫。輕妝別處新。羅衫剩有舊啼痕。灑作陽  
臺過雨伴行雲。竊約非無徑。妝羞半掩門。桃源消息  
幾時真。但見桃花一朵恰逢春。

南鄉子 憶青青

策馬帝京遙。風捲黃塵十丈高。高山店驀逢人似玉苗。

條○着○雨○花○枝○分○外○嬌○  
回○首○欲○魂○銷○想○像○朱○門○弄○玉○  
簫○幽○恨○滿○懷○何○處○寫○  
涓○涓○千○里○春○江○滾○暮○潮○

臨江僊 憶親

行○人○水○驛○孤○帆○宿○  
荒○原○景○物○淒○涼○  
江○流○渺○渺○月○茫○茫○  
更○闌○燈○半○滅○  
有○夢○到○高○堂○  
喜○見○雙○親○扶○杖○出○依○稀○  
鬢○髮○如○霜○牽○衣○嗚○咽○  
話○偏○長○  
覺○來○渾○不○省○  
欵○枕○費○思○量○

前調 憶家園

我○有○傲○廬○滄○海○畔○  
門○前○幾○樹○垂○楊○  
歸○時○散○髮○傲○羲○皇○

盡○簾○嬌○燕○語○水○閣○藕○花○香○  
自○分○名○居○驃○騎○上○讀○書○  
何○事○巖○廊○此○生○得○失○任○行○藏○  
閒○援○丘○壑○趣○堪○笑○馬○蹄○  
忙○

前調 贈翻鴻較書

自○笑○年○來○春○夢○斷○風○前○忽○遇○傾○城○  
相○看○何○處○最○娉○婷○  
眼○波○秋○水○綠○眉○黛○曉○山○青○  
惆○悵○匆○匆○分○手○去○思○量○  
無○那○多○情○城○頭○玉○漏○近○三○更○  
酒○醒○人○不○寐○窗○外○月○微○  
明○

一剪梅 賀友納姬

十月春風滿洞房。曲奏鸞鳳調。叶笙簧。問誰僥倖入  
僊鄉。不是漁郎。合是劉郎。絕世風流想泰娘。柳樣  
眉長。宮樣新妝。巫山巫峽在何方。悵設鴛鴦。被擁鴛  
鴦。

蝶戀花 秋怨

閒抱濃愁誰作伴。嬾挂銀鈎。煙雨和簾捲。愛看荷花  
風落瓣。蓮心滴破絲難斷。日暮香消秋色淺。整頓  
寒裝。織錦金刀剪。莫遣夜長針線短。征衫冷落霜華  
滿。

前調 新秋

曲檻迴廊深院遶。門掩垂楊。斗帳愁多少。欹枕夢回。  
人悄悄。紗窗頻喚。枝頭鳥。水漲一池荷葉。小幾樹。  
殘陽。斷續晴絲。裊却怪安排。秋色早。曠脂妝點。西風  
巧。

蘇幕遮 覽鏡

愛雕龍。思吐鳳。一卷詩書。竟把青春送。攬鏡自憐還  
自痛。華髮無根。總是窮愁種。火雲燒。冰雪凍。奔走  
風塵。回首真成夢。苦海瀰漫。仙路迴。快志何年。常被

天公弄。

滿江紅 冬日邨居葆飭過訪

總角雞壇。記高會曾論金石。轉眼處風流星散。舊遊  
蕭瑟。簪筆君爲廊廟器。飄蓬余作林泉客。歎百年王  
貢判雲泥。青衫濕。松溪曲。煙霞宅。鷗鷺起。仙槎入。  
奈劇談未幾。挽留難得。千斛徒看邨酒綠。片帆纔挂  
江天黑。縱闌干倚遍。費長吟空相憶。

前調 戲贈同年醇叔兄

有美人兮。天付與玉容脩整。想丰姿柳絲風軟。海棠

睡醒問渡。曾愁銀漢濶。攀花爭得東君肯。羨王郎何  
意入仙源。真僥倖。心醉處。鴛鴦頸。盼望裏。團團影。  
奈驪歌忽唱。煙消香冷。繡被夢中雲雨散。孤篷眼底  
家山近。怕春光漏洩。與香閨常思省。

前調 送霍南廷試入都

風雨西窗。記舊日高談經史。笑十載匏瓜長繫。惟吾  
與爾射虎將軍空健手。綸巾諸葛真名士。指五湖一  
片錦帆開。離歌起。壯游處。長安里。珠璣吐。金門裏。  
想凌雲稱嘆漢家天子。快意頻呼燕市酒。論交時倒

公卿屣看層霄健。翮待扶搖。從茲始。

前調 送沈子凡廷試

藉甚休文。羨山斗聲名嶽嶽。忝不佞忘年交結。追隨  
同學。作客共移江上舫。開樽曾對榴花酌。歎韶華回  
首。付東流。還如昨。絲綸布。恩波渥。青驄駕黃金絡。  
似當年二陸。遨遊京洛。身到天門瞻日月。風生彩筆  
傾臺閣。念故人寂寞。釣寒潭。長搖落。

玉漏遲 初寒夜坐

迢遙夏漏永。重門深掩。虛堂清絕。寥落荒村。聽得風

鳴蛩咽悶坐無聊。無奈燭花儘。茶煙將歇，真淒切。數  
枝殘菊，一簾新月。孤鴻嘹唳南來，念薊北征人分  
飛。天未暖，閣生寒。何況燕山早雪。回首長亭折柳，又  
却是經年離別。腸百結。夢斷鳳池波濶。

滿庭芳

後山招同人集醉白池

籬菊舒黃，霜林染赤。良辰高會群賢。亭臺新構，攜手  
共憑欄。眼底銀塘一片，迴廊外翠竹千竿。風過處，清  
香滿座，雨打桂花殘。開尊當日夕，珍饈羅列，水閣  
燈然。聽昏鴉競噪，蓮漏頻傳。嵇阮風流，堪繼看不盡。

倒玉歆山從今後。年年此際。沉醉辟疆園。

念奴嬌

春申礪懷古

三千珠履幾千年。畱得王孫芳艸。幽澗寒泉。鳴澗底。  
石上苔花如掃。華屋山丘。英雄涕淚。種菜人空老。登  
臨極目。一鳩白雲縹緲。漫說今古興亡。誰家臺榭。  
處處聞啼鳥。遙想棘門流血處。不聽朱英計早。日下  
牛羊波翻鷗鷺。倚檻空憑弔。詩狂酒病。幾回搔首。長  
嘯。

前調

閨怨

桃花吹盡病懨懨。又過清明天氣。輕下珠簾。休放那。  
燕子啣花飛去。十里情光。一尊美酒。不解相思處。長。  
亭風細。綠楊空自。空自。無。奈。芳。草。萋。萋。危。欄。獨。倚。  
目。斷。王。孫。路。畢。竟。韶。光。留。不。住。空。有。黃。鶯。如。許。寄。語。  
東君。春歸難覓。尋取春分付。只因春到新愁添。却無。  
數。

水龍吟 八月十八葆祕招同人出浦觀潮

煙波千尺無邊。江干日午。蘭橈發。空林木落。桂花香。  
透。中秋時節。滿座高朋。銀絲作鱸。金尊初熱。望春申。

浦上怒潮迅湧。百尺飛濤如雪。痛飲能消塊壘更。  
休談干戈離別。雙鬢綽約含羞。一曲暈紅兩頰。與盡  
歸來夕陽西下。亂髮鬢。咽奈勝游難得。最牽情處。笙  
歌明月。

賀新涼

憶內

薄命真如葉。想濺圍春風三載。幾番離別。難肋微名  
難割捨。多少南轅北轍。曾埋首引錐流血。伴我苦吟  
燈火夜。細穿針。共對西窗月。四壁靜。漏聲徹。去年  
霜落征車發。叮嚀道韶光易邁。宮花早折。伯仲當時

爭○逐○鹿○今○日○雄○雌○須○決○夏○應○念○高○堂○白○髮○月○且○誰○知○  
明○鏡○少○恨○妍○媿○顛○倒○何○由○說○愁○無○奈○腸○千○結○

徐果亭 乘義 曰。子武宦木天。目取左國。千史諸書。

手翻掌錄。蓋真能千古自命者。詞雖餘技。亦不讓淮海眉山。獨擅酒旗歌板也。

吳茵次 綺 曰。松溪早負盛名。而神姿清瑩。宛若神

仙。田髯淵謂其丰神玉立。秀外惠中。在棗蕁間。

實子猷之於子敬。僧虔之於僧綽矣。今見其填詞妙麗。有倚琪樹而愧蒹葭。掣鯨魚而嘲翡翠之致。

聶晉人 先 曰。子武先生。詞妍而不佻。艷而不褻。此

關雎之好色。非采蘭贈芍可擬。

名家詞鈔目錄

廬陵 聶先 晉人

纂定

長水 曾王孫 道扶

映竹軒詞

遂安 毛際可 會侯

浣溪紗

減水木蘭花 三調

卜算子

謁金門

清平樂 四調

眼兒媚

朝中措

海棠春

南鄉子

鵲橋仙

踏莎行

蝶戀花

二調

蘇幕遮

青玉案

東風齊着力

滿江紅

三調

鳳凰臺上憶吹簫

水調歌頭

二調

金菊對芙蓉

念奴嬌

四調

木蘭花慢

水龍吟

綺羅香

沁園春

金縷曲

映竹軒詞

遂安 毛際可 會侯

浣溪沙 雪夜

不夜簾垂寶篆銷。碎寒釵插鈿珠搖。凝冰脂水倩郎調。風定鶴巢飄碎羽。夜深鮫室剪生綃。梅花誰伴可憐宵。

減字木蘭花 早梅

晚煙似墨。數點乍浮窗外白。誰扣簾櫳。小試熏桃染柳風。折來閒嗅。香束膽瓶清影瘦。天意衝寒。想到

調羹齒已酸。

前調 寄懷王丹麓

伊人何處。淡柳書房臨北渚。十載幽懷。倒屣爭傳王粲來。珊瑚作架。綵筆雞林應長價。獨爾抽絲。嫋嫋新聲譜竹枝。

前調 聞情

描花無力。可奈小姑催夜織。懶掠雙鬟。亂髮垂垂壓遠山。不眠况味。及到高春扶未起。誰信征鴻。客歲書來又一冬。

卜算子 別諸虎男

幾日送春歸，飄盡簷前絮。惱亂遊絲百尺長，難挽遊  
人住。君定倚層樓，極目前山路。煙外疑余尚泊舟，  
却向禾中去。

謁金門 夏間

雛燕囀雨過，綠槐如染。小徑行來蓮印淺，新苔添數  
點。簾上鰕鬚半捲，甌內鳳團初碾。瞥見檀郎還覩  
覩。衫輕微露腕。

清平樂 春思

催春去也。不放些兒假。縱使將春闌住者。無奈牡丹  
都謝。閒愁對鏡難忘。臨池試照新粧。同是水中人  
影。去年還自雙雙。

前調 冬夜穉黃兄宅聽新歌作

霜寒如許。燭燄紅偏吐。預借春光來作主。聽得輕鶯  
雙語。新詞幽恨無涯。聲聲顫落榠花。我欲徘徊起  
舞。漫教淚溼琵琶。

前調 鄒黎眉畫花鳥見貽

邊生往矣。花鳥誰驅使。粉林脂塗安足擬。更把墨痕

都洗。盡圖何處。曾披依稀。記得年時。似在東風庭  
院。枝頭打起黃鸝。

前調 春愁

落花時節。和淚飄紅雪。畢竟淚流無斷絕。不似飛花  
先歇。春愁百計難醫。醫時怕笑情癡。除是花長不  
謝。與郎同燃花枝。

眼兒嬌 別緒

蛾眉誰不鬪嬋娟。若箇似卿妍。粧成自許。除非鏡裏  
或是池邊。無端忽作經年別。腸斷寄來。幾愁心訴。

與霜天寒角雨夜啼鵲

朝中措 送徐華微姪姪

新詞三疊唱陽關。別淚灑衣斑。辜負一湖春色，征鞭  
遙指長安。壯年行樂，紅樓玉腕，紫陌金丸。須記謝  
庭賦雪歸來，莫待冬殘。

海棠春 相思鳥

文禽宛頸稱仇匹。那忍便暫時相失。離恨此間無。妒  
殺鷓鴣翼。佳人何事傷心臆。却一見粧痕暗溼。恐  
礙合歡時。更教籠寬織。

南鄉子

雨過石梁橋感懷

宿霧黯難收。初夏涼生似晚秋。客淚青衫原自滴。無  
休。細雨還添一倍流。少壯漫回頭。上苑花開與勝  
遊。廿載升沈猶故我。悠悠。却羨漁蓑片葉舟。

鵲橋偈

晚浴

青絲半挽羅襦乍解。恰趁房櫳初靜。何須豆蔻煮湯  
溫。美粉汗微微香凝。芭蕉滴雨。梧桐翻露。窗外似  
來人影。喚回小玉。自垂簾。恐費卻檀郎金餅。

踏莎行

衰柳

露○冷○霜○欺○輕○黃○欲○墜○楚○腰○不○似○當○時○麗○向○來○嬌○嬾○帶○  
三○眠○今○朝○一○味○嘗○騰○睡○數○點○寒○鴉○代○予○愁○思○似○云○  
華○髮○人○如○此○擬○將○情○淚○潤○枯○條○六○橋○盡○是○傷○心○地○

蝶戀花 別王丹麓

馬○迹○車○塵○何○日○了○不○分○啼○鴉○只○解○催○歸○好○楊○柳○條○長○  
飛○絮○少○離○情○一○夕○和○春○攪○北○豎○高○樓○芳○樹○杪○愁○唱○  
驪○歌○酒○罷○天○初○曉○頃○刻○杭○州○煙○渺○渺○回○頭○殘○月○如○燈○  
小○

前調

言愁

桂魄淒涼寒玉宇。顧影無憐。影也添淒楚。爲月不眠  
情更苦。明宵願下廉纖雨。待欲銷愁。斟綠醕酒盡  
愁生。畢竟愁爲主。天上寄愁。愁可去。天孫正別銀河  
渚。

蘇幕遮

閨情

蚤○春○天○連○雨○夜○欲○寄○征○衣○幾○度○裁○還○罷○肥○瘦○近○來○無  
定○也○前○歲○相○偎○記○妾○腰○微○窄○寶○鍼○連○金○斗○砑○短○尺  
機○頭○襯○上○生○香○帕○一○色○縫○成○全○沒○罅○只○有○啼○痕○點○點  
應○難○化

青玉案 冬閏

彈箏銀甲寒初卸。始覺得孤眠乍。靜裏更籌都數下。  
司天無準。雞人貪睡。竟把年成夜。梅花幾日開還  
謝。酒汎屠蘇爲誰把。兩地情悰全沒假。昨宵書到小  
姑偷看。說向人前怕。

東風齊着力 送徐武令北上

桃夢辭紅。蕙絲凝碧。節近清和。武林門外。風便向嘉  
禾。故遣絲徐北去。西陵社意。况消磨。陽關唱聲遲三  
疊。軒爾延俄。燕市近如何。酒人內能尋幾個。荆軻

影○裏○欲○尋○殘○碣○更○摩○抄○不○比○長○陵○妖○后○追○逐○重○瞳○軍○  
內○爲○質○歲○時○多○原○上○英○靈○草○起○舞○爲○誰○謔○

金菊對芙蓉

贈顧修來吏部

花○欲○飄○茵○柳○將○墜○絮○韶○光○幾○日○東○風○正○賓○朋○寥○落○展○  
齒○塵○封○多○時○趵○突○泉○邊○過○嘆○獨○遊○吟○興○全○慵○無○端○憑○  
弔○當○年○盛○事○白○雪○樓○中○豈○意○此○地○過○從○問○騷○壇○誰○  
霸○屈○指○惟○公○更○家○鄰○泰○岱○相○約○扶○筇○重○來○登○眺○知○何○  
日○休○辜○負○漢○碣○秦○松○海○島○初○暘○吳○門○匹○練○放○眼○長○空○

念奴嬌

新霽湖心亭

寒霖開霽喜典衣沽酒。百錢初足瀉影浮光三百頃。  
染就一湖醞醖。鮫室清虛。蜃樓奇麗。不似居華屋。倚  
闌長嘯。日空今古榮辱。何虛聯袂佳人。尋芳拾翠。  
畫舫頻移目。衰柳垂隄。還拂水欲與弓眉鬪。曲豈識  
經時霜風憔悴。遠遜三春綠。物猶如此。夜遊須秉華  
燭。

前調

甲寅秋移家避寇西陵吳慶百以詞訊  
余近狀率爾賦答

千戈滿日問誰人手挽。天河淨洗。画棟雕楹皆一炬。  
林木明年燕壘。匿影山隅。沈踪水畔。生死須臾耳。更

闌乘燭。舉家驚定還喜。遙望形勝錢塘。鬱葱佳氣。  
舟楫浮江。泥荆棘故園無可問。却傍孤山梅蘂兒女。  
顛連齋厨蕭索。迹與鷓鴣比。不如且飲中山醉。日能  
幾。

前調 長夏客李良弼署齋述懷

青齊朱夏。正火雲未散。飛禽斂翼。疎柳深槐相掩映。  
移入水天秋國。鄴下詞流。西園名士。咄咄來相逼。君  
苗焚硯。問誰此意能識。自嘆天末孤踪。風塵歷落。  
舉步皆荆棘。百尺樓頭豪氣在。龍性如何馴得。慷慨

彈箏悲涼說劍酒泛玻璃色不如且飲斯人竟已頭  
白

前調 壽宋收仲

騷壇今日是何人手挽銀河淨洗歷下雲間非故轍  
裘馬翩翩而已險韻天驚長吟泉湧君與漁洋爾唐  
家韓孟當時風味如此 還憶侍浴湯泉陪遊上苑  
年少英華侈把筆題詩原未晚却滿香名人耳春草  
池塘白雲官舍酒汎珊瑚紫鸞簫吹徹年年盡醉花  
底

木蘭花慢

朱萊孺招飲賦贈

問韶光九十。何處度。客中消。恰鸚舌輪簧。蝶衣褪粉。  
春去難招。主人多情投轄。向花前選伎。列妖嬈。歌榭。  
還遮翠幙。舞裙特綴紅綃。三齊遊倦。正無聊。雙鬢  
漸蕭蕭也。隨分追歡。循聲按拍。卽席揮毫。胸中幾多  
磊○礪○嘆○瓊○漿○百○斛○總○難○澆○更○有○簷○前○皓○月○勸○余○莫○負○  
良○宵○

水龍吟 望銅雀臺

垂楊一帶長隄。而今又着征衫。到宿雲未捲。晴光猶

歛三臺縹緲。往日尊壘已成陳迹。電馳風掃只淖河。  
似舊綿綿徐逝。因甚不辭昏曉。豈嘆時光易邁。嘆  
當年阿瞞衰老。分香人去。空留遺令。西陵荒草。說甚  
三分。長江沉鎖。陰平通道。算將來總歸子虛。烏有爲  
誰忙了。

綺羅香 思古堂雅集

竹粉黏殘。榆錢買斷。誰肯放春歸去。莫惜樽空。門外  
酒帘頻舞。水枕內藕雪微香。翠盤裏尊絲初縷。笑無  
端太史占星。元來盡是酒徒聚。嚴城清漏漸永。相

對年華晚頭顱如許獨有髯徐還愛小姬眉無休悵  
歎故里荆榛且追歡他鄉賓主一觴後今昔都拋怪  
蘭亭太苦

沁園春

寄懷夏樂只

所謂伊人傾蓋相於懷抱悠然喜樓依葛嶺光浮紫  
翠門臨湖溜韻叶絲絃此日通翁前身摩詰長嘯聲  
疑鸞鶴騫君休矣任名場虎尾利藪蝸涎於今更  
慕林泉問卜築幽區第幾塵向巖光瀨下平分釣鯉  
謝翺墳側共哭啼鴈天放閒人地行仙容不必丹砂

引大年還堪羨蕭蕭素髮微映朱顙

前調

宿雲巖山房贈唐殿宣昆季

策杖名園巖扉深掩徑闌三三喜鷓聲可聽耳逢鍼  
砭石峰空拜腰懶朝參曲徑幽池小亭疎榭更有飛  
樓納遠嵐徘徊久且脫冠挂壁任髮鬢髮莫嫌屐  
齒頻探問點筆題詩日幾箇更松陰對酒光浮縹碧  
苔痕染袖色映深藍傲吏閒身狂奴故態世法應知  
七不堪無猜也且我眠君去一枕初酣

王瑁湖頴巖曰，每讀映竹軒詞，羅羅清疎，令人入

勝，紅杏枝頭春意鬧，未免烟火氣矣。

方渭仁象瑛曰，毛子會侯，夙著名山之業，早懸國

門之書，偶爾摘詞，便同蘭畹，暇時選韻，無異金  
荃，允稱樂府元音，洵是花間絕調。

周冰持稚廉曰，會侯先生過雲間，留十日，日與諸

名家命題拈調，爲文酒之會，不謁當事，不受餽  
遺，遊九峰三泖，興盡而返，余時客燕，未獲躬預  
其盛，歸而知之，此等詞人先達，真寰宇中罕覩

也因悉其尊前酒邊之作。益知先生才敏思新。  
綺艷秀逸。有非今人所能道。

名家詞鈔目錄

廬陵 聶先 晉人

纂定

長水 曾王孫 道扶

錦瑟詞

揚州 汪懋麟 蛟門

醉公子 四調 浣溪紗 三調

菩薩蠻 三調 憶秦娥 二調

誤佳期 朝中措

眼兒媚 二調 桃源憶故人

好女兒 二調

醉春風

連理枝

百媚娘

剔銀燈

御街行

一叢花

送我入門來

爪茉莉

柳腰輕

夏初臨

三姝媚

百字令

春風第一枝

喜遷鶯

薄倖

內家嬌

賀新郎

春風嫋娜 一調

多麗

錦瑟詞

揚州 汪懋麟 蛟門

醉公子 索鏡

郎愛看儂面。只有盤龍兒。拂拭小牕前。清輝夜夜圓。  
兩心常共對。不許私相背。若漫起疑猜。還郎玉鏡

臺

前調 索簪

昨宵郎戲謔。竊去黃金雀。要得不追尋。還儂白玉簪。  
髮絲今歷亂。欲縮還愁散。後夜蝶蜂狂。須傍墮枕

傷

前調 索花

新粧多窈窕。細對菱花照。雙鬟捲飛鴉。釵傷欲帶花。  
海棠嬌的皜。指點呼郎摘。畢竟讓妍郎。心愛恐偏。

前調 索香

佳人焚百和。砥是粧成坐。風細下簾鈞。氤氳花氣浮。  
身中含葢蔻。裊裊羅衣透。縱有麝蘭芳。輸君體自香。

浣溪紗

咏慢

繡幕低籠白玉牀。流蘇裊裊睡鴛鴦。莫教輕揭放餘香。夢引春風羞日影。魂銷濃雨怯燈光。軟金鈎響惱檀郎。

人

前調

咏梳

裝就珊瑚果梁。今醉眠橫側在羅幃。暗藏花蕊最相宜。睡損肩黃釵欲墜。揉殘額粉髮低垂。此中私語兩心知。

前調

閨怨

細雨霏霏洒曲欄。杏花時節小樓寒。怕言春去又春殘。香冷画屏惟有睡。夢回山枕不成歡。被頭多少淚闌干。

菩薩蠻

乍見

中庭茉莉香初落。誰搖鸚鵡簾櫳索。千喚步纔移。花間斂衽遲。昵人秋水碧。低向裊邊揖。偷眼看雙鈎。猩紅露鳳頭。

前調

重見

爲郎特地新粧早。看來還比初時好。相對莫嫌生。儂

今眼更明。低鬟垂素手。無計開檀口。故贈鳳皇釵。  
撩他玉笋來。

前調

繡鞋

行纏自繡幫兒小。新描花樣心中藥。何用步金蓮。羅  
幃換了眠。掌中剛一握。懷裏香偏覺。那戲漫匆匆。  
揉殘兩瓣紅。

憶秦娥

美人

開金屋。菱花影裏香雲綠。香雲綠。水晶簾下看施膏。  
沐。盤龍墮馬梳來熟。簪花不許郎催促。郎催促。玉

欽○忙○掠○紅○絨○斜○束○

前調

遮○團○扇○春○風○吹○綻○桃○花○片○桃○花○片○朝○霞○半○暈○殘○脂○微○  
澣○天○然○素○質○鉛○華○賤○偏○教○傳○粉○何○郎○羨○何○郎○羨○願○  
為○鸞○鏡○朝○朝○相○見○

誤佳期

閨怨

寒○氣○暗○侵○簾○幙○辜○負○小○春○芳○約○庭○梅○開○遍○不○歸○來○  
立○恁○心○情○惡○獨○抱○影○兒○眠○背○看○燈○花○落○待○他○重○與○画○  
眉○時○細○數○郎○輕○薄○

朝中措

修平山堂和  
歐公原韵

平山舊跡已成空。清磬暮雲中。當日烟花夜月而今  
禾黍秋風。山川無價。文章有主。我輩情鍾。再種堂  
前楊柳。新詞重和坡翁。

眼兒媚

簾內

玲瓏簾幙。墜金堂。謝女怯燈光。鳳凰高髻。鴛鴦繡帶。  
別樣新粧。多情風動簾開處。秋水更盈眶。最銷魂。  
是鬢邊花氣。懷裏衣香。

前調

木邊

謝公堤下繫征航。粉壁映垂楊。誰家少女，蒲葵扇小，茉莉風涼。鞋兒脚上剛三寸，娘娘玉奴粧，不憎人見。凌波微步，羅襪生香。

桃源憶故人

野橋晚泊

輕帆落處斜陽快。夾岸柳條都敗。雪厚板橋壓壞。村酒停燈賣。寒星苦月長湖外。負却孤眠愁債。此夜寂寥情派。料得雙鷗解。

好女兒

本意

十五芳時。梳掠纔宜。終日凝粧渾未解。但閨裏熏香。

窗○前○傳○粉○鏡○內○修○眉○  
問○著○佳○期○不○語○紅○兩○頰○故○嬌○  
癡○獨○何○事○背○人○閉○刺○繡○偏○蝴○蝶○雙○飛○鴛○鴦○比○翼○桃○李○  
連○枝○

前調 春怨

隔○樹○鶯○聲○喚○起○春○情○九○十○韶○光○今○已○半○看○梅○萼○凋○殘○  
桃○花○歷○亂○楊○柳○輕○盈○怪○殺○檀○郎○不○定○竟○後○約○負○前○  
盟○若○道○是○別○離○猶○未○久○已○候○忽○花○朝○無○端○上○巳○又○早○  
清○明○

醉春風 艷情

好事而今乍。刻襪移深夜。手提金縷小鞋兒。怕怕怕。  
犬吠花陰。月沉樓角。暗中驚詫。軟玉相憑藉。纖指  
將頭卸。妾身拚得教郎憐。罷罷罷。又聽鷄聲。催人枕  
畔。羞顏無那。

連理枝

賀陸西曹納南北二姬

燕趙人原俊。吳越才還韻。紅線雙牽。青鸞對照。教郎  
厮認。費評量。總得阿龍憐。昵臉痕。眉印。互把鴛衾  
進。左右將郎問。豈惹香乎。溫柔勝也。定知分寸好。從  
容二子詠徐卿。抱鳳雛神駿。

百媚娘 有贈

絕代吳娘縹緲。豈蕊芳年還小。臉際芙蓉含素月。肌  
理停勻真少。一尺鳳皇高髻子。釵滑烏雲繞。汗濕  
紅香偏好。誰道玉環肥了。素腕抽來當鳳枕。自分溫  
柔堪老。薄醉橫眠嬌欲惱。笑把春膚敲。

剔銀燈 春夜和宋人韻

獨坐知儂何意。憔悴盡臉紅眉翠。小鴨香殘孤鸞鏡  
掩。怕見蘭膏光膩。此時情致。况遇着惱人天氣。簌  
簌落花偏媚。欲待留春無計。妾命桃花歡情楊柳何。

處青樓携妓溫柔香醉總不覺夜寒人睡

御街行 送夏次功游燕

別離之色都休矣。好跨青絲騎。仰天大笑出門行。兒  
女漫勞牽繫。相如題柱。仲升投筆。猶是英雄氣。長  
楊獻賦須臾事。慷慨游燕市。子昂何用怒搥琴。早晚  
薦雄文似。丁寧無別。黃金如斗。方許君歸里。

一叢花 虎丘生日自壽

先生今日又生辰。何幸作閒人。扁舟正泊蘇臺下。虎  
丘寺無限芳春。踏草心情。燒香時節。蛺蝶繞羅裊。

美人噓氣總如雲。蘭麝暗紛紛。玉簫金管隨風度。多  
應是勸我開尊。不羨神仙。豈須富貴。醉後但稱臣。

送入我門來

白沙

種柳爲城。栽榆成巷。白沙翠竹人家。門對江干。山色  
見些些。却逢暮暮朝朝雨。恨不見村村樹樹花。地  
僻行人罕到。無數良田美宅。雞犬桑麻。今我纔游歸  
路。晚烟斜。誰家蹀躞青驄騎。更幾處。呀呀紅漆車。

瓜茉莉

林麗

最喜炎天。趁薰風放蕊。枝兒上白溶溶地。晚涼院落。

名家詩集  
月照處清芬似水。安排下鈿盒金簪。穿花慣須小婢。  
鬟鬆髻。膩蘭膏。味偏細。私嗅處。早醒殘醉。還畱  
數朵。待朝來上雲髻。將幾枝安放枕頭根底。夢魂杳  
相伴睡。

柳腰輕 觀女削贈月娘

團雲隊裏燈烟暖。梁塵起。春鶯轉。錦靴紗帽。柳眉星  
眼。就裏雌雄難辨。藏輕鳳羅帳。須垂護。飛鸞晚。風偏  
顫。不用仙盤頻勸。奏新聲。月華堪羨。丹脂微暈。翠  
翹高聳。杜牧筵前驚見。飲三爵。忽發狂言笑。顏開紫

雲回面。

夏初臨 夏景

梅子新垂荷錢正小。困人天氣初長。昨日春歸楊花  
亂點池塘。一雙紫燕飛忙。看營巢泥落空梁。水晶簾  
捲珊瑚枕滑。玉簟清涼。美人睡起。獨倚紗厨。針慵  
線懶。鳥語花香。此時模樣。歡來總未提防。剛值殘粧。  
露春膚半掩。羅裳燙。猖狂。佯拋蠅拂。戲打檀郎。

三姝媚 京邸送中郎歸棗強

北風吹曠野。望蘆溝橋畔。霜花飄灑。唯別銷魂。况客

中重別夕陽斜挂長揖鞭梢最怕聽蕭蕭班馬何事  
歸乎爲惜深閨瘦腰寬也。正是歲除良夜看小婦

教成素絃彈罷細語燈前把文書針線權時拋下笑  
入羅幃酩酊了滿身蘭麝若說春明重去把郎暗罵

百字令

徐電發見寄長調索依韵答謝

三年京洛問消愁惟有紫羅青玉不會意時思竟返  
性是水禽山鹿賦媿安仁悲啣阮籍憔悴無如僕麻  
衣歸路怕看堂下慈竹感君問訊勞人新詞細字  
淚眼昏殘燭舊句已隨秋葉散兩耳厭聽琴筑白扇

抄詩。紅兒按譜。只恐添蛇足。况須割袞。不堪綴此斜幅。

春風第一枝

石林招同武曾錫鬯二鮑湘草穀梁夜集寓齋看燈上美人用

史邦卿韵

剪韭韶光落燈時節。東風今夜初暖。縷金屏內香濃。碧玉盞中春淺。身聲報客。正風揭。画簾絲軟。好良宵不飲何爲。况有玉鳧銀燕。紅燭裏忽拋星眼。綃幕外。誰疑雪面。依稀人在瓊樓。只少歌翻閨苑。画圖相識。又惱亂。心情如線。最牽愁。我夢揚州。月下簫聲曾

見。

喜遷鶯

夜飲見山樓聽素容較書度曲卽席填詞

酒濃香細。正燭暈高樓。花歆幽砌。名妓清歌。狂奴異舞。我輩終常情死。何用激昂意態。但得溫柔滋味。吾顏也。看羅袂揉亂玉。釵敲碎。心醉聽一曲。塞上明妃。欲墜琵琶淚。桃頰銷紅。柳眉顰綠。故故酸人腸肺。燈下酒容似火。庭外秋光如水。更殘了。任嬌憨無力。枕人斜睡。

薄倖 送春

怨容愁態春去也。今年何快。已無計留他。將杯酒向  
落花深拜。想二三月裏芳菲似。秦女乍描眉黛。今粉  
褪香銷。釵橫髮亂。老矣徐娘無奈。自過了清明後。  
但風雨有何聊賴。只留得垂柳絲絲如結。黃鸝啼煞  
欄杆外。最無情春色帶將愁至。而今春去愁仍在。春  
如不至。又那得愁腸害。

內家嬌

將歸里門寄內

別家秋欲暮。黃花節。深院海棠垂。記親薦小蠻。衾稠  
香爛。艷歌大婦。參昴星稀。香奩畔。青鸞雙照影。紅燭

對吟詩。忽賦遠游去。時恨速不與。人怨來日嫌遲。  
還家春已暮。櫻桃熟後園。杏子離離却。喜風輕花暖。  
燕舞鶯啼且。煩卿檢校香。牋粉筆。待予揮灑。麗句清  
詞。更問床頭美酒。藏得多時。

賀新郎 贈柳敬亭和曹升六韻

何物吳陵叟。儘平生。詠諧遊戲。英雄屠狗。寒夜蕭條  
聞擊筑。敗葉滿庭飛走。令四座歛歛。良久說到後庭  
商女曲。悵白門寂寂。烏啼柳天付與。懸河口。可憐  
飄泊寧南後。記強侯接天檣櫓。橫江刁斗。亡國豈知

逢叔寶。世事盡銷。醉酒嘆滿目。爛羊僚友。心識懷光。  
原未反。但恩讎。將相誰知否。少平勃。黃金壽。

春風嫋娜

清明同繼武峩。君武曾二鮑。東臣石林集。野外松下送錫鬯之揚州。

最關心節序。又早清明。風乍暖。日初晴。喚吾徒携著。

黃柑綠酒。樂遊原上去。聽鶉鷓。不上紅樓。何知紫陌。  
只傍松濤響處。行無那。故人先惜別。春風故遣柳條。

青。此去揚州路好。竹西歌吹。正三月花滿。江城櫻  
筍會。木蘭亭畔。高吟爛醉。讓爾成名。自顧茫茫。一官

遠客。春愁黯黯。萬事飄零。悵離情。鄉思亂如芳草。散

比浮萍。

前調 觀查伊璜女樂卽席分賦

看先生老矣兀自風流圍翠袖。昵紅樓。羨香山携得  
小蠻樊素。玉簫金管到處遨遊。舞愛前溪歌憐子夜  
記曲嬾還數阿柔。戲罷更教彈絕調。瓊瑜端坐撥箜  
篌。新製南唐院本衣冠巾幘。抵多少優孟春秋。拖  
六幅掩雙鉤。英雄意態兒女嬌羞。燈卜紅兒真堪消  
恨。花前碧玉耐可。恁憂是鄉足老任悠悠。世事爛羊  
作尉屠狗封侯。

多麗

仔園席上聽吳門諸郎歌吹

暮雲高金堂紅燼初燒最怡情新聲一部龜年賀老

同邀調鸞鳳石弦名蕭清脆振林木猿臂名笛飄蕭細唱

吳歛低翻郢曲小娥依約運居巢名笙還憐取太平名管

吹徹梁上細塵飄催羯鼓羣音中節樂句拍板頻敲

奏商風吹蓬落葉莫愁反把愁招消魂也紫雲寥亮

腸斷矣絳樹妖嬈纔令人悲又教人喜雍門歌哭可

憐宵絲兼肉阮咸月琴輕撥聲斷轉無聊推樽起吾為

楚舞休弄檀槽。

曹顧庵

爾堪

曰讀蛟門詞。淙淙乎春澗之瀉壑也。

藹藹乎秋雲散空而變態萬千也。謾謾乎松籟之咽也。鏘鏘乎追風躡影。電散而冰裂也。余所期于蛟門者。文章事業。如歐蘇兩公而足矣。則蛟門之詞。不可與兩公並傳也哉。

徐菊庄

鈞

曰或爲錦瑟。古樂器也。以之名詞。亦欲

按紅牙檀板。與柳郎中爭勝于歌頭。犯尾之下。歟。或謂錦瑟。令狐丞相家青衣也。豈蛟門亦有取托歟。皆不必深求。要之溫柔昵語。正宜彈撥。

于鵬鷄雁柱中。至其豪邁宕往淋漓感激。直欲  
上掩和凝。下凌溫尉。非僅花間酒邊誇爲麗句  
已也。